

國方志叢書·華中地方·第八八八號

據

清·王肇賜等修，陳錫麟等纂
清同治十二年刊本

影印

江 西 省

新淦縣志

(五)

成文出版社有限公司印行

新淦縣志卷之八

人物志

烈女

梁順利貞坤之德也從一以終婦道之常值其變而
舍生取義則巾幗烈丈夫矣又或哀舅姑而代供子
職撫弱息而誓與存亡非操心危慮患深何以致此
至未嫁守貞行芳忠潔紅羊應劫白刃捐軀乾坤正
氣所鍾均足揚徽彤管因編列女

湛氏陶侃母湛氏新淦人鄱陽陶丹妻也世貧賤命侃
就學母紡績資給之使結交勝已侃少爲潯陽縣吏監
魚梁以鮮一鰓遺母母不啟視遺書責之曰爾爲吏以
官物遺我爲悅乎是增吾憂也鄱陽孝廉范逵與侃善
來寓宿時大雪母出所臥薪薦剉以抹其馬又密截髮
供穀饒逵聞之太息曰非其母不能生此子侃後以忠
正爲名臣

陶史

南唐

陳氏劉式妻自幼賢慧爲父鄩鍾愛初式游學鄩見

之式爲郎中卒或勸陳多置產爲長久計陳歎曰丈夫
官貧藏書數十卷遺後此墨莊也安事隴畝諸子習字
有怠則爲不食由是諸子植立海陵胡瑗敘其事長子
蚤卒四子繼登第皆爲郎官孫二十有五人皆雍容豈
弟縉紳稱爲郎官家云

宋

張氏杯山寨人年十六母抱病兩月家貧貿衣被市藥
弗愈乃望北焚香祝天以鍼器有肋取肝如指大以食
母母病頓愈女亦無恙人以爲孝感云

鄒氏母聶氏搜奇疾且殆女年十四歲泣人臥內以利
刀剖右股肉作羹以進家人以爲市肉女亦弗言母啜
羹愈女乃以帛裹瘡數日私起視家人驚報其母母泣
問乃以實對

董妹妹文昌坊董好古女年十四剖股救父疾事聞臺
部旌獎之

楊氏鄒迪母喜篇籍畧知大旨楊蚤失父事母以孝旣
嫁生迪教之不以恩克義迪甫九歲以文顯有司稱爲
神童李伯恭志楊墓曰賢淑婉陶母

劉氏名懿文及笄父許婚趙國祥子未嫁夫卒父欲他
適女曰曩許趙氏義不可再遂投井死女字懿文鄉人
名其里曰懿文鄉

題貞女劉氏卷

并序

元鄒說

貞女者淦城劉均尚志之女也許適南昌趙主簿之
子世亂道阻故婚禮未成歲癸巳鄉之爲強暴而擅
生殺者欲強委禽焉女謀於父母自度不能拒卽投
井死文江解先生蒙聞而哀之爲作傳而安城劉君
霖復銘墓碣先是其二昆皆從穆監州舉義兵而死

云

玉甃泓澄百尺深
翩翩弱質自浮沉
笄纓恐負生前約
鐵石尤堅地下心
碑述孝娥追舊誄
傳同烈女繼徽音
二難義死俱無忝
共慰嚴親雪滿簪

劉貞女詩

明梁寅

客行金川野路傍
見松門亭亭立
雙柱聳聳干層雲
大書字徑尺云是貞女墳
下馬問居人居人爲客言
里有劉氏女旣笄
字懿文父兄乃文儒
與彼龐豪民女質在
房帷旣許趙氏婚
秉心若冰玉計功
惟織紉一朝風塵

起盜賊遍墟里兩兄從義兵兵敗乃俱死父母哭晨夜
賴女能慰止時危日月昏民亂波濤靡鷺鳥欺鳳雛聚
獸乖麟趾所競惟金多所悅惟色美不諒貞女心強取
悖倫理刻期求必遂父母焉得已女言我此軀寧受強
暴汙趙氏旣我聘他人非我夫瓦完何足貴璧碎終自
殊我在世所誚我死親無虞竟投百尺井深泉若安居
隣里哀莫救冤悍聞之吁皇天恨高誼后土憐中孚女
節士或愧士辱女不如客聞悲且惻歎息重歎息惟天
生人物人物具天則王睢有定偶孤鴻不改特獨歸燕

循義耿介雉之德人既靈於物綱常待扶植况聞多篇
章備述貞女蹟縣官合表間太史常採擇名偕寶氏女

永永世千百

石門集

明

陳氏幼納黃體堅聘後體堅謫吏於金陵貽書請娶陳
父母欲易他女以往陳曰吾命也失信滅德何以爲人
遂往嫁後體堅以呈誤棄市陳徒步收屍歛瘞之爲位
奠哭期年家人來迎曰吾志願畢矣乃自書其名氏經
於柩側大學士曾棨贊曰生以義歸死以節殉

明書

袁氏張元璽妻年十八歸元璽越三歲而寡元璽世業
儒資薄袁又無所出父母欲奪其志袁匍匐持芻嚙堂
下曰芻食獸類也茲得無以獸畜兒乎自是眾不復言
侍養舅姑以天年終日惟紡績自給璽多昆季曰元芳
妻龍氏曰元鳳妻邊氏俱早失夫聞間言輒叱曰獨不
媿袁氏乎妯娌三人始終相勵節不變

廖氏羅氏廖爲蕭嘉廸妻年二十三夫死羅爲蕭嘉聞
妻年二十一夫死二氏以舅姑老遂立誓不改節竭力
致養年皆八十餘卒成化間廖之孫令明赴朝上其事

詔建雙節坊以旌其曾孫蕭浩蕭珩蕭克良科名代踵
人以爲雙節之報翰林劉翔學憲彭綱爲之記士大夫
多作詩以記其事

蕭氏雙節詩

明 劉 繪

蕭家兩新婦孀居各妙年此身矢不改願比金石堅姑
云新婦來是妾夙昔緣大兒旣不幸小兒尋亦隕門單
難留爾乘此顏色妍兩婦拜且泣心中大不然良人雖
云沒終當見重泉豈不奉姑命人生無二天姑聞語哽
咽撫慰良足憐我豈奪爾志我老疾病纏旦夕且不保

新婦特何金姑死婦亦老鄉稱阿母賢縣官初視事風
俗由爾先走吏告天子旌書下南阡至今淦江上白日
高名懸清陽春詠

袁氏名柔貞蕭維學妻奉姑孝一日姑爲虎噬哀奔而
前左手執姑臂右手擊虎吻虎不能害全姑以歸虎隨
後後婦不覺被虎噬鄉里悲之天順間知縣李周以事
聞詔旌之

晉氏聶氏新益人姑婦皆二十而寡曾適中洲胡厚德
厚德之子越功俱早逝姑婦砥礪貞操時以雙節稱之

聶氏之子進用教養成立人品學術爲時所推每念及
二母潸然淚下副使周謨爲賦雙節詩

胡氏雙節

併引

明周謨

中洲胡進用余忘年友祖厚德考懋功俱蚤逝祖母
曾母聶皆年二十而寡姑婦砥礪堅貞粹如時以雙
節稱之且善理家政誨諸孤以成立進用每念及二
母輒潸然淚下爲賦雙節詩一以備觀風使之采錄
一以慰進用之哀衷云爾

清風益已散古道多秦蕪一門見雙節况是婦與姑姑

以死自誓堅貞恒自如婦節良亦苦皎潔秋月孤世情
轉衰薄萬事堪長吁女中獨何幸得此雙瓊琚吾將白
大史特筆爲爾書書以告天子終當表其閭

東臯集

彭氏年十七歸李厚載年二十夫亡父母欲奪其志彭
仰天誓曰我聞婦人當從一而終若復他適曾犬彘之
不若遂以針刺一目惟紡績教子宏治間縣尹盧公淵
表其事

孫氏周廉佐妻生子六月廉佐卒孫年二十二父母欲
嫁之輒大慟曰夫死改節禽獸之行不從孀居六十餘

年卒

嚴氏盧秩妻秩巡按直隸時保定千戶朱剛無辜毆殺
三人事露以白金百兩黃金二十兩僞爲秩書與弟送
秩家求活嚴得書覺僞令子懷誠執送法司坐以律以
是秩名位益顯侍郎王偉爲撰賢婦郤金傳

陳氏郭佩璋妻年十九璋亡子懷海生未一歲親族勸
改嫁陳以翁姑年老無子號哭誓不貳紡績撫孤終養
至老宏治間旌表其門

陳氏名德正邑庠生唐成妻色美正德壬申邑被寇陳

扶姑出避姑病亟賊追及之抱姑泣訴曰賊必不相貸
我義不受辱但不能終侍姑疾爲恨耳言未已賊至見
陳欲犯之陳厲聲罵曰賊奴我儒家子豈汝從者抱二
子女投水死小姑及女奴二人相繼溺死

盧氏袁達璋妻璋死盧年十九父母哀其少欲令改適
盧斷髮指水爲誓紡績自給年八十卒

朱氏璵貞許聘盧修己將歸而修己死朱臨哭之哀就
服事姑三十始卒朱竟以貞終

曾氏朱德立妻年二十一德立死子廷侃在襁褓曾事

舅姑無子誓無他志年八十而卒

孫氏邑庠生饒思明妻思明病革謂孫氏曰年少無子
盍他適孫痛哭卽飲藥自殺不果死竟縊於室時有聲
烈烈屋瓦震撼越七日思明亦死事聞詔旌其閭曰貞
烈

吳氏邑庠鄒興妻峽江人吳敷仁女年十九興卒遺孤
璠甫一月璠操守節惟孝養舅姑攻機杼爲撫孤計及
姑歿督辦喪葬鞠夫幼弟尤加恩勤年七十事聞當道
屢獎之